



**Broj: 09-20-11-2-2276**

**Dana: 09.12.2020. godine**

Na osnovu člana 43. i 45. Zakona o unutrašnjim poslovima Federacije Bosne i Hercegovine ( Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14 ), i preporuke Komisije za provođenje otvorenih postupaka nabavke u 2020. godini, zamjenik direktora Federalne uprave policije d o n o s i :

## **ODLUKU**

### **o poništavanju postupka javne nabavke novih putničkih kombi vozila sa devet sjedišta**

#### **I**

Na osnovu Obavještenja o nabavci broj: 1412-1-1-237-3-111/20 od 22.10.2020. godine, koje je objavljeno u Službenom glasniku BiH broj: 69. dana 30.10.2020. godine, do naznačenog krajnjeg roka za dostavljanje ponuda u otvorenom postupku javne nabavke novih putničkih kombi vozila sa devet sjedišta, svoju ponudu je dostavio jedan ponuđač i to: PORSCHE INTER AUTO d.o.o., Sarajevo.

Komisija je konstatovala da jedina pristigla ponuda ponuđača PORSCHE INTER AUTO d.o.o., Sarajevo prevazilazi procjenjenu vrijednost nabavke novih putničkih kombi vozila sa devet sjedišta, koja je određena Odlukom o pokretanju postupka javne nabavke br.09-20-11-2276, od 19.10.2020. godine u iznosu od 230.769,23 KM bez PDV-a, te je s tim u vezi predložila poništavanje postupka javne nabavke.

#### **II**

Cijeneći prijedlog Komisije, zamjenik direktor Federalne uprave policije donosi Odluku kao u dispozitivu i ista stupa na snagu danom donošenja.

#### **III**

Za izvršenje Odluke zadužuje se Sektor za materijalno- finansijske poslove.

## **OBRAZLOŽENJE**

Federalna uprava policije je provela otvoreni postupak javne nabavke novih putničkih kombi vozila sa devet sjedišta, po Obavještenju o nabavci broj: 1412-1-1-237-3-111/20 od 22.10.2020. godine, koje je objavljeno u Službenom glasniku BiH broj: 69. dana 30.10.2020. godine. Komisija za provođenje otvorenih postupaka nabavke za 2020. godinu, imenovana Rješenjem zamjenika direktora Federalne uprave policije broj: 09-19/1-30-2-111 od 13.02.2020. godine, je utvrdila da je do naznačenog krajnjeg roka za dostavljanje ponuda u otvorenom postupku javne nabavke novih putničkih kombi vozila sa devet sjedišta, svoju ponudu dostavio jedan ponuđač i to: PORSCHE INTER AUTO d.o.o., Sarajevo. Uvidom Komisije u dostavljenu dokumentaciju, utvrđeno je da naprijed navedeni ponuđač zadovoljava formalno- pravne uslove za dalje razmatranje dostavljene ponude.

S tim u vezi, Komisija je uputila zahtjev/ akt Specijalnoj policijskoj jedinici ( SPJ ) radi stručne pomoći u sagledavanju i ocjeni tehničke specifikacije ponuđenih vozila, dok je Komisija uzela u obzir i da je u mjesecu septembru 2020. godine već proveden postupak nabavke putničkih kombi vozila sa

devet sjedišta prema tehničkim specifikacijama i tehničkim katarakteristikama koje je tada dostavio SPJ- Sektoru za materijalno finansijske poslove- Federalne uprave policije, a koji postupak je tada poništen Odlukom o poništavanju postupka javne nabavke od 05.10.2020. godine, te je s tim u vezi traženo od SPJ da dostavi informaciju da li je u novoj tehničkoj specifikaciji došlo do odgovarajućih izmjena koje bi uticale na cijenu vozila jer je Komisija uočila da ponuđena vozila u ovom postupku imaju veću pojedinačnu i ukupnu vrijednost u odnosu na vozila koja su nuđena u ranijem postupku.

Specijalna policijska jedinica kao organizaciona jedinica za koju se i nabavljaju ista vozila i to prema specifikaciji koju su dostavili Sektoru za materijalno finansijske poslove- Federalne uprave policije, je Komisiju obavjestila aktom br.16-954-20 od 03.12.2020. godine, pored ostalog da je bilo izmjena u novoj tehničkoj specifikaciji u odnosu na raniju i to u pogledu prosječne potrošnje goriva, klima uređaja i zatamnjenja stakala, te je u tabelarnom prikazu dat pregled istih izmjena sa posebnim osvrtom da je u novom postupku tražen poluautomatski klima uređaj za koji je naznačeno da je jeftiniji od ranije traženog digitalnog klima uređaja. Komisiji je aktom SPJ-a skrenuta pažnja i da je u ranijem poništenom postupku ponuđač u cijenu vozila uračunao krovni svjetlosni boks za vozilo koji tada nije tražen tenderskom dokumentacijom, a da u sadašnjoj ponudi krovni svjetlosni boks uopšte nije ponuđen što bi prema njihovom mišljenju logičkim slijedom trebalo da umanja cijenu vozila u odnosu na cijenu vozila koja su ponuđena u ranijem poništenom postupku.

Uzevši u obzir sve naprijed navedeno, kao i da ponuđena ukupna cijena vozila iz ponude ponuđača PORSCHE INTER AUTO d.o.o., Sarajevo u iznosu od 238.194,68 KM bez PDV-a, prevazilazi procijenjenu vrijednost nabavke istih vozila koja je utvrđena Odlukom zamjenika direktora Federalne uprave policije br.09-20-11-2276, od 19.10.2020. godine u iznosu od 230.769,23 KM bez PDV-a, Komisija je dala preporuku da se u skladu sa članom 69., stav 2., tačka e) Zakona o javnim nabavkama BiH, poništi postupak javne nabavke novih putničkih kombi vozila sa devet sjedišta.

**Pravna pouka:** Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.

**ZAMJENIK DIREKTORA  
GENERALNI INSPEKTOR POLICIJE**  
**Ensad Korman**



Dostaviti:

- Sektor za mat. fin. poslove
- ponuđačima
- u spis